



Broj: 12/08-27-6760-5/18
Zenica, 26.06.2018. godine

Na osnovu člana 70. stav (1) i (4) Zakona o javnim nabavkama ("Službeni glasnik BiH" broj:39/14) i Zapisnika komisije sa preporukom, broj: 12/08-27-6760-4/18 od 22.06.2018. godine, u otvorenom postupku javne nabavke radova broj: 1417-1-3-7-3-13/18 od 23.04.2018.godine, direktor Kantonalne direkcije za ceste Zeničko-dobojskog kantona, donosi:

ODLUKU

o poništenju postupka javne nabavke

I

Poništava se otvoreni postupak javne nabavke broj: 1417-1-3-7-3-13/18 od 23.04.2018.godine, za radove na rekonstrukciji dijela regionalne ceste R 413a Čajdraš-Ovnač, a u skladu sa članom 69. stav (2) tačka e) Zakona o javnim nabavkama BiH, jer je cijena svih prihvatljivih ponuda znatno veća od osiguranih sredstava za planiranu nabavku.

II

Ponuda ponuđača „POROBIĆ“ d.o.o. Zavidovići se u skladu sa članom 68. stav (4) Zakona o javnim nabavkama BiH („Službeni glasnik BiH“ broj: 39/14) odbacuje jer nije potpuna i ne ispunjava zahtjeve iz tenderske dokumentacije.

III

Odluka će se u skladu sa članom 70. stav (6) Zakona o javnim nabavkama BiH objaviti na službenoj stranici ugovornog organa www.zdk.ba i to istovremeno s upućivanjem odluke ponuđačima koji su učestvovali u postupku javne nabavke.

Obrazloženje

Postupak nabavke pokrenut je Odlukom broj: 12/08-27-6760/18 od 20.04.2018. godine. Javna nabavka provedena je po otvorenom postupku javne nabavke za radove u skladu sa članom 25. Zakona o javnim nabavkama BiH („Službeni glasnik BiH“ broj: 39/14).

Obavještenje o nabavci broj: 1417-1-3-7-3-13/18 objavljeno je na Portalu javnih nabavki 23.04.2018. godine.

Komisija za javne nabavke imenovana rješenjem broj: 12/08-27-6760-2/18 od 18.06.2018.godine, ugovornom organu blagovremeno je dostavila zapisnike o otvaranju kao i zapisnik sa preporukom Ugovornom organu.

Izvještajem i preporukom Komisije za javne nabavke, utvrđeno je:

- Da je Zapisnikom o otvaranju ponuda od 18.06.2018. godine konstatovano da su pristigle 2 (dvije) ponuda u određenom roku za dostavu (18.06.2018. godine do 10:00 sati) i to:

1. „ALMY TRANSPORT“ d.o.o. Zenica,
2. „POROBIĆ“ d.o.o. Zavidovići.

Komisija za javne nabavke je utvrdila da su sve ponude blagovremene ali da ponuda ponuđača „POROBIĆ“ d.o.o. Zavidovići nije potpuna i ne ispunjava zahtjeve iz tenderske dokumentacije. Naime, tačkom 15.1. tenderske dokumentacije je propisano da Ponuđač ne smije mijenjati ili nadopunjavati tekst tenderske dokumentacije. Uvidom u dostavljenu ponudu, Komisija je konstatovala da je ponuđač dostavio



nacrt ugovora ali da isti ne odgovara nacrtu ugovora iz tenderske dokumentacije. Naime, nacrt ugovora iz tenderske dokumentacije sadrži 18. članova dok dostavljeni ugovor uz ponudu sadrži 24. člana, te je vidljivo da je ponuđač izvršio nadopunu i izmjenu tenderske dokumentacije.

Zbog navedenog ponuda ponuđača „POROBIĆ“ d.o.o. Zavidovići se u skladu sa članom 68. stav (4) Zakona o javnim nabavkama BiH („Službeni glasnik BiH“ broj: 39/14) odbacuje jer nije potpuna i ne ispunjava zahtjeve iz tenderske dokumentacije.

Zbog toga što vrijednost najpovoljnije ponude bez PDV-a iznosi 835.948,51 KM i prelazi procijenjenu vrijednost javne nabavke koja bez uključenog PDV-a iznosi od 772.940,30 KM, Komisija je jednoglasno predložila ugovornom organu da postupi u skladu sa članom 69. stav (2) tačka e) Zakona o javnim nabavkama BiH („Službeni glasnik BiH“ broj: 39/14), te da poništi postupak javne nabavke, jer je cijena svih prihvatljivih ponuda znatno veća od osiguranih sredstava za planiranu nabavku.

Zbog svega naprijed navedenog odlučeno je kao u dispozitivu.

Odluka će se objaviti na službenoj stranici ugovornog organa www.zdk.ba i to istovremeno s upućivanjem odluke ponuđačima koji su učestvovali u postupku javne nabavke.

Ugovorni organ će u skladu sa članom 70 i 71. Zakona o javnim nabavkama, Odluku o poništenju postupka javne nabavke dostaviti svim učesnicima postupka zajedno sa Zapisnikom o pregledu i ocjeni ponuda.

Pouka o pravnom lijeku:

Protiv ove Odluke može se izjaviti žalba Kantonalnoj direkciji za ceste Zeničko-dobojskog kantona u roku od 10 (deset) dana od dana prijema ove Odluke, na način propisan članom 99. Zakona o javnim nabavkama BiH („Službeni glasnik BiH“ 39/14).

Dostavljeno:

1 x Svim ponuđačima,

1 x a/a

